



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



97  $\frac{8}{9}$





98 <sup>8</sup>/<sub>4</sub>

*Handwritten signature*

ԿՈՂՎԱՍԻ ՈՒՍՈՒՄՆԱՐԱՆԱԿԱՆ ՇՐՋԱՆԻ ՀԱԳԱԲԱՐՁԱԿԱՆ ԽՈՐՀՐԴԻ  
ԿՈՂՄԻՑ ԹՈՅՂԱՅՐԻԱԾ Է ՈՐՊԷՍ ԴԱՍԱԳԻՐԲ

ԿԱԶՄԵՑԻՆ  
ՍՐՇԵԿ ՉԻԼԻԿԱՐԵԱՆ  
ՏԻԳՐԱՆ ՌԱՇՄԱՃԵԱՆ  
ԱԻԵՅԻՐ ԻՍԱՀԱԿԵԱՆ

Դ. ՏԱՐԻ



Ինքնուրոյն, փոխադրած յօդածների և նկարների արտատպու-  
թեան իրաւունքը վերապահեաւ ե:

ՉՈՐՐՈՐԴ ՏԻՊ

Ե Ր Ե Ի Ա Ն

Տպարան «ԼՈՅՍ» Բէկրուդեան փող. № 12  
1918



Դասընկերն առաջին հրատարակութիւնից, սկսած ձեռագրի գործածութեանն առանձին տեղ աւելց, հիմուելով ներկայ էքսպերիմենտալ մանկավարժութեան պահանջների վրայ և առաջին անգամ Դասընկերն էր, որ Ա, Բ, Գ և Դ տարիների մէջ ձեռագրին առանձին բաժին յատկացրեց՝ յարմարեցնելով ծխ. դպրոցների պահանջներին:

Այս անգամ Դասընկերն առանձնապէս ուշք է գարձնում շարագրութեան նիւթերի վրայ. մի խնդիր, որը ոչ միայն մեղանում, այլ ևւրուպական երկրներում բազմատեսակ քննադատութեան նիւթ է դարձել և մինչև օրս վերջնական լուծումն չէ ստացել: Այս առթիւ առաջարկում են բազմապիսի ձևեր, որոնցից, մեր կարծիքով, ամենապարզ տեսակները կարող են համարուել մանկական նամակները և պարզ, ձեւափոխող պատկերները: Այդ հիման վրայ Գ և Դ տարիներում մենք դրել ենք ձեռագիր նամակների նըմուշներ, որտեղ աշակերտը պարզ կը նկատէ, որ նամակի նիւթ կարող է լինել այն ամենը, ինչ առօրեայ կեանքում իր հետ պատահում է և ինչ որ ինքն իր մօտիկներին տեսնելիս պէտք է բանաւոր հազորդէր: Այստեղ աշակերտը ոչ յօգւածի բառերին և ոչ էլ ուսուցչի պահանջին գերի է դառնում. նա ազատ է իրեն յայտնի բառերը, դարձւածքները գործածել, որոնց ուղղագրութեանը ծանօթ է:

Բնականաբար այս ձևն հեշտ է, ինքնուրոյն, աշակերտի համար հետաքրքիր, ուղղագրութեան և բովանդակութեան տեսակէտից արդիւնաւէտ: Նման առաւելութիւններ ունեն նոյնպէս և այն պարզ պատկերներն, որոնց մէջ գործողութիւնները փոփոխւելով՝ աշակերտին ազատ դիտողութեան, մտածողութեան և ստեղծագործութեան նիւթ են տալիս:

Այստեղ էլ աշակերտն իրեն ցանկացածի նման կ'արտայայտէ, առանց դրժի կամ ուսուցչի կաշկանդումների: Այս տեսակ պարզ շարագրական վարժութիւններից յետոյ՝ նոր կարելի է անցնել զուգընթացաբար շարագրութեան միւս տեսակներին—այն է, սովորած յօգւածի բովանդակութիւնը գրել, հանապարհորդական դրօսանքները նկարագրել, ազատ շարագրել և այլն:



## 1. Աշակերտի յիշատակարանից

Մմառւայ արձակուրդը վերջացաւ. այսօր սկսուամ է դպրոցական նոր տարին: Գրքերս պայտուակիս մէջ կապելով, ուրախ ուրախ դուրս եկայ դպրոց գնալու: Հայրս երբ ինձ տեսաւ, կանչեց իւր մօտ և ասաց.— Սիրելի Հենրիկօ, շատ լաւ ես անում, որ այդպէս գլարթ դպրոց ես գնում. գնա՛, սիրելիս, գնա՛ և մտածիր. որ այժմ ամենքն էլ ուսանում են: Ամբողջ օրը շարաշար աշխատելուց յետոյ՝ բանւորներն երեկոյեան դպրոց են գնում: Կանայք, շունկոր տղաներն ամբողջ շաբաթն աշխատելուց յետոյ՝ կիւրակի օրերը վարժարան են գնում: Զինւորներն իրենց վարժութիւններից տուն դառնալով՝ իսկոյն տետրակ ու գիրք են վերցնում: Համբերն ու կոյրերը, մինչև անգամ բանտարկւածները, գրել կարդալ են սովորում:

Սոսաւօտեան դպրոց գնալիս մտածիր, որ այդ ժամին այս քաղաքում քեզ նման երեսուն հազար մանուկ է գնում ուսանելու: Երևակայիր բոլոր երկրագնդիս անհամար երեսխաներին, որոնք նոյն ժամին դպրոց են գնում: Գնում են գիւղերի, մեծ ու փոքր քաղաքների տղաներն ու աղջիկները: Ամենքն էլ գրքերը բռնած, հազար տեսակ հագուստներով, տարբեր լեզուներով և բոլորն էլ գնում են սովորելու: Այն, միլիոնաւոր մանուկներ շտապում են բան սովորել: Սիրելի Հենրիկօ, եթէ այս շաբաթումը դադարէր, մարդկութիւնը նորից բարբարոսութեան մէջ կ'ընկնէր: Այս շաբաթումն է աշխարհիս յառաջագիմութիւնը, յոյսն ու փառքը:

Զօրացիր, անհուն բանակի փոքրիկ զինւոր: Գրքերդ են քո զէնքերը, դասարանն է քո գունդը, պատերազմի դաշտն է ամբողջ աշխարհը և լուսաւորութիւնն է յաղթանակդ: Ուրեմն մի վհատիր ու կտրիճ կաց, իմ Հենրիկօ:



Աս Բբ Գգ Դդ Եե Զզ Էէ  
 ԸԸ Թթ Ժժ Իի Լլ Խխ ԾԾ  
 Կկ Ժճ Զզ Ըը Թթ Ժժ Գգ  
 Դե Զը Ոո Չչ Սս Զզ Ոո  
 Աս Վվ Յյ Բբ Կկ Խ Թթ  
 ԲԲ Օօ ԶԶ  
 ա բ գ դ ե զ է լ լ խ  
 ժ կ և չ ղ թ յ ն շ ո չ ս  
 զ ա ս վ փ բ ց ռ ք լ օ ֆ

Անգրապիս

Երբէ մկին լի՞ նախանշում  
 Եւ այրանորիս իր-սին,  
 Միայն, զբացիլ զո՞վ պարունակ,  
 նախանշում ի՞նչ չի բաղդիւն:  
 Ահ, զբացիլ զհոգակ որբիս,  
 Մի լատարբիս միայն արէի

Բոլոր զգամեղ, բոլոր աղաչանեղ, բո-  
 լոր ակնածութեանց զուր կանգնիւն:  
 Երբեք ի՞նչ կանգնար լի ցաւ: Կայ  
 կրան, ով ոյմանորիս կանկ ճայրականս այր-  
 սուրբ սէրը: Եւ ի՞նչ սիրում ի՞նչ, որդիակ  
 ի՞նչ, զու իս կանգնիս յոյսը. սակայն  
 լաւ է ի՞նչ միտած քիմե՞ն, իմն սպիրտիս:  
 Բո կայր

5. Աշնան երգերից

Խոր ձորակում, աշնան օրերին  
 Լալիս է տխուր լացը առակի,  
 Անցնում է դաշտերն անապատային  
 Եւ անարձագանք մարում մեղմակի:




Նա հեկեկում է վաղանցուկ գարնան  
 Ոսկեղէն օրեր, շքեղ հրապոյր,  
 Նա հեկեկում է, թէ ինչպէս մեռան  
 Ծաղիկ ու կանաչ, սէր, հրճւանք և բոյր:

Ո՞ւր է այն օրը, երբ իր ափերին  
 Մեխակն ու շուշան գերդ անուշ քոյրեր,  
 Մէկ-մէկու փարած գուրգուրում էին  
 Ու շուրջը լցնում երկնային բոյրեր:

Ո՞ւր է այն օրը, երբ ճառագայթած  
 Փայտն էր ծաղկի ողջունում իրեն,  
 Եւ եղէգների խումբը դալարած  
 Ալիքներն էին փարում քնքջօրէն:

Այժմ էլ չկան... միայն իր դիմաց  
 Փայտն է իր դաժան դէմքը խոժոռել,  
 Վայում է բուքը սարերն ընկած,  
 Շուրջն ամեն ինչ մարել է, մեռել...

## 6. Խնչացի ագուար



Խնչ է անում ագուար. հրչափ  
 ջուր կայ աճանի մէջ. կարող է  
 ագուար ջուր խմել:



Խնչ է ուզում ագուան իր կառ-  
 ցով անել:



Այժմ ինչ է անում ագուար. կա-  
 րողացաւ ագուան ամանը փայր  
 գցել:



Այժմ ինչ է փորձում ագուար:



Կարող է ագուար ջուրը խմել:

Դիտել պատկերը, պատմել, ենթադրած. դժւար բառերի ուղղագրութիւնը  
 բացատրել և գրել շարադրութիւն:



Յուսիս ամսի մի գեղեցիկ առաւօտ էր: Փոքրիկ հեծելազօր գունդը ուշադրութեամբ դիտելով ամայի ճանապարհը, հանդարտ առաջ էր գնում թշնամու դէմ:

Գնդի առաջից լուռ գնում էին սպան և յիննապետը. նրանք շարունակ իրենց շուրջն էին նայում և ամեն բոլոր սպասում էին, որ ծառերի մէջ թագնւած թշնամու առաջապահ զինւորներին կը տեսնեն: Գունդը մօտեցաւ մի գեղջկի տան, որ սօսիներով պատած էր: Գունդը մօտ նստած էր տասներկու տարեկան մի տղայ և փայտ էր տաշում:

Պատուհանի վրայ ծածանւում էր մի եռագոյն դրօշակ. ներսը ոչոք չկար. գիւղացիները դրօշակը կախել ու փախել էին: Տղան գունդը տեսնելուն պէս՝ փայտը դէն ձգեց ու գլխարկը հանեց:

— Ի՞նչ ես անում այստեղ, հարցրեց սպան. ինչո՞ւ դու էլ ծրնողներէդ հեռ չես փախել:

— Ես ծնողներ չունեմ, պատասխանեց տղան. Քնացել եմ պատերազմը տեսնելու:

— Աւտարիացիք անցան այստեղից:

— Ոչ, ահա երեք օր է, որ չեն երևում:

— Սպան մի փոքր սպասելուց յետոյ բարձրացաւ ցածր տանիքի վրայ. լաւ կը լինէր ծառի վրայ բարձրանալ, ասաց սպան, այստեղից հեռու նայել չի կարելի:

Սպան մէկ բարձր ծառին նայեց, մէկ զինւորներին և յետոյ յանկարծ տղային՝ դարձաւ ու ասաց.

Ա՛յ տղայ, աչքերդ սժւր են:

— Իմ աչքերը շատ հեռու են տեսնում:

— Կարո՞ղ ես այս ծառի ամենաբարձր գագաթը բարձրանալ:

— Կէս բոլորում կը բարձրանամ:

— Կարող ես տեսածներդ ինձ պատմել. տես, աւտարիացիք չեն երևում, փոշու ամպեր, փայլատակող հրացաններ, ծուխ, ձիեր:

— Ի հարկէ կարող եմ:

— Ի՞նչ տամ քեզ դրա համար:

— Ի՞նձ այդ բանի համար, կրկնեց տղան. ոչինչ, ինչեր էք ասում. եթէ գերմանացոց համար լինէր, ինչ էլ տային, չէի բարձրանալ, իսկ մերոնց համար...

— Որ տղապէս է՛ ուրեմն բարձրացիր:

Տղան կօշիկները հանեց ու գրկեց ծառի բունը:

— Սպասիր, դոչեց սպան, ահ գզալով:

Տղան զարմացաւ:

— Բան չկայ, բարձրացիր... ասաց սպան: Տղան կատուի պէս վեր մագլցեց:

— Իսկ դուք ձեր շուրջը նայեցէք, ասաց սպան զինւորներին:

Մի քանի բոլորից յետոյ տղան արդէն ծառի կատարին էր:

— Հեռու նայիր, կանչեց նրան սպան...

Աւելի լաւ տեսնելու համար տղան աջ ձեռքը ճակատին դրաւ:

— Ի՞նչ ես տեսնում, հարցրեց սպան:

— Երկու ձիււոր ճանապարհի վրայ:

— Այստեղից սրչափ հեռու:

— Մի կէս մղոն:

— Շարժում են:

— Ոչ, կանգնած են:

— Էլ ի՞նչ կայ, հապա նայիր դէպի աջ:

Տղան նայեց. — Գերեզմանատան մօտ, ծառերի մէջ մի բան է փայլում... կարծեմ սւիններ են:

— Մարդիկ տեսնում ես:


— Ոչ, երևի պահուուել են ցորենների մէջ:

Նոյն վայրկեանին մի զնդակ սուր շշելով բարձրացաւ և ընկաւ տան ետեր:

— Ի՞ջիր, ի՞ջիր, աղաղակեց սպան. — նրանք քեզ նշմարել են...

Էլ ոչինչ հարկաւոր չէ, ի՞ջիր...

— Ես չեմ վախենում, պատասխանեց տղան:





Իջիր, կրկնեց սպան.— Էլ ինչ է երևում ձախ կողմից:

— Զախ կողմից:

— Այո, ձախից:

Տղան դուրսը դէպի ձախ դարձրեց... Մի ուրիշ սուր շաշիւն ևս աւելի մօտիկից ծակեց օդը: Տղան սոսկաց:

— Իջիր, կրկնեց սպան հրամայարար:

— Իսկոյն, իսկոյն, պատասխանեց տղան: Սակայն ծառն ինձ պաշտպանում է: Ուզում էք իմանալ, թէ ձախ կողմում ինչ բան կայ:

— Այո, ձախ կողմը, բայց իջիր, իջիր...

— Զախ կողմը, կանչեց տղան, մինչև գօտին դուրս կախելով տերևները միջից. — այնտեղ, մատուռի մօտ տեսնում եմ, կարծեմ այնտեղ...

Մի երրորդ սաստիկ շաշիւն... տղան սկսաւ ցած իջնել ու յանկարծ դիտվայր ընկաւ:

— Անիծւին, աղաղակեց սպան, վրայ հասնելով: Տղան ընկաւ մէջքի վրայ. կրծքի ձախ կողմից արեան վառակ էր հոսում: Յիսնապեան ու երկու զինուոր վայր թաան ձիերից. սպան տղայի շապիկը պատռեց, գնդակը մտել էր ձախ կողքը:

— Մեռած է:


— Կենդանի է, պատասխանեց յիսնապեանը:

— Ափսոս, կորիճ տղայ, ասաց սպան: Մինչդեռ նա թաշկինակով վերքն էր ուզում կապել, տղան աչքերը բաց արաւ, դուրսը ձգեց ու մեռաւ:

— Խեղճ տղայ, պատուական կորիճ տղայ, ասաց սպան: Նա մօտեցաւ տնակին, հանեց պատուհանից եռագոյն դրօշակը ու փռեց մեռելի վրայ:

— Մարմնի յետից մարդ կ'ուղարկենք, ասաց սպան. մեռաւ իբրև զինուոր, զինուորներն էլ կը թաղեն: Նա համբուրեց փոքրիկի աջը և հեծնելու հրաման տաւ:

Մի քանի ժամից յետոյ սպանւած տղային զինուորական շքով պատուեցին: Սպաներից մէկը ծաղիկներ քաղեց և սփռեց մեռելի վրայ:



Բոլոր զինուորներն էլ նոյնն արին: Փոքրիկը ծաղիկներով ծածկեցաւ: Ամենքն էլ նրան ողջունում էին, մնաս բարով ասում:

— Ապրիս, փոքրիկ: — Կեցցես, քաջ պատանեակ: — Բարև մնաս, խարտեռ մանուկ: — Փնօք և պարծանք, կորիճ տղայ — ամեն կողմից ասում էին:

Մի սպայ էլ իր քաջութեան մէղայլը ձգեց մեռելի վրայ. միւսը համբուրեց նրան, իսկ ծաղիկները անվերջ թափւում էին նրա մերկ ոտքերի, արևնաթաթախ կրծքի և շիկաներ գլխի վրայ: Իսկ ինքը ննջում էր բարձր արօտի մէջ, դրօշակի տակ, սպիտակ ու ժպտերես՝ կարծես թէ ողջոյնները լսելով երջանիկ էր, որ աւել էր իր կեանքը թանկագին հայրենիքի համար:

Ախր, մի սիրտը լիք դարդ, ցաւ,

Օր ու արև չբխանք.

Ախր, մի կիսակը անով անցաւ,

Աշխարհից բան չիմացանք:

Ժարուսք մարդիկ կուրբն-խախտ

Աշխարհի ճոխ սիլակից.

միւս աշխարհի խորք արդիւն ինք,

Մի փայ չկայ աշխարհից:

Ես դժ աշխարհ Երգիւն դուրս ցայ

Բարից, Երգիւն Ես քախտ,



Բոլոր հայր հարսրին քայ,  
ժարուսրն իրի, վայիլի:  
Եւրի աղխարը դարը դարի,  
Պայտարկ նարի... Էյ, աղխարե,  
Էլ ինչու իս խարը քոչնում  
Բարի վրայ, խար-աղխարի:

9. ԵՐԻՏԱՍԱՐԴ ԹԱԳԱԺԱՌԱՆԳԸ

Թագադրութեան նախընթաց երեկոյեան իշխաններն ու պալատականները բարի գիշեր ցանկանալով թագաժառանգին, գնացին թագադրութեան հանդէսի մասին խորհրդակցելու:

Նրանց գնալուց յետոյ երիտասարդ թագաժառանգը ազատ շունչ քաշեց, նստեց իր անկողնու վերայ և սկսեց մտածել: Նա մտածում էր, թէ ինչպէս անսպասելի կերպով փոխւեց իր կեանքը. շատ չէր անցել այն օրից, երբ նա ստաբոթիկ անտառում շի ածելով գառներ էր արածեցնում. մտաբերեց այն օրը, երբ թագաւորի ծառաները անտառից պալատ բերին նրան, ծերունի թագաւորն իր մօտ կանչելով բոլոր իշխաններին ու պալատականներին յայանեց, թէ սա է իմ հարազատ ժառանգը և սա պէտք է կառավարէ իմ երկիրը մահւանիցս յետոյ: Վազն իր թագադրութեան օրն է: Հանդէսը պէտք է լինի շքեղ ու փառաւոր: Երկրի ամենանշանաւոր և հարուստ վաճառականները գնացել էին զանազան երկրներ թագադրութեան հանդիսի համար թանկագին աղէներ և կտորներ բերելու:

Մէկը գնացել էր Եգիպտոս զանազան թանկագին քարեր ձարելու. միւսը Պարսկաստան՝ մետաքսէ և ոսկեթել կտորներ բերելու, երրորդը Հնդկաստան՝ մարգարիտներ և փղոսկր առնելու. վաճառականներն արդէն վերադարձել էին և թագադրութեան հանդիսի համար ամեն ինչ պատրաստ էր: Թագաժառանգն սկսեց մտածել իր շքեղ հագուստների մասին. նրա քունը չէր տանում. բաց արեց լուսամուտը, դուրս նայեց. խաղաղ, լուսնկայ գիշեր էր. աստղերը փայլում էին, պարտիզում տարածւել էր ծաղիկների քաղցր բուրմունքը և սոխակը այնպէս հրաշալի երգում էր, որ երիտասարդի սիրտը լցւեց թախիծով. նա վեր առաւ իր քնարը և սկսեց նւագել: Մի քիչ յետոյ քունը տարաւ: Զանգահարեց, ծառաները ներս մտան, հանեցին նրա շորերն ու կօշիկները, մարմինը վարդաշրով լւացին, բարձի վրայ անուշահոտ ծաղիկներ շաղ աւին և խոնարհ գլուխ տալով, դուրս գնացին:

II.

Թագաժառանգը քնեց և երազ տեսաւ:

Նա տեսաւ, իբր ինքը գտնուում է մի ցածր ու խոնաւ սենեակում. փոքրիկ լուսամուտներից շատ քիչ լոյս է ներս ընկնում. չորս կողմից լուում է բանւոր-Չուլիակների մաքոկների չրխչրխկոցը: Բոլորը թոյլ են ու դունաւ. հիւանդոտ երեխաներն օգնում են մեծերին, բայց նրանց ձեռքերը հաղիւ են հպատակում. երեւում է, որ քաղցն ու յոգնածութիւնը նրանց թուլացրել է: Սեղանի շուրջ նստած են կար անոց կանայք: Բոլորը լուռ են ու ախուր: Սենեակի փշացած օդը սաստիկ ծանր է. թագաժառանգը հաղիւ շունչ առնելով, մօտենում է բանւորներից մէկին և հետաքրքրութեամբ նայում է նրա աշխատանքին: Այդ բանը բանւորին դուր չի գալիս, նա բարկացած հարցնում է. — Ի՞նչ ես ուզում, ինչու ես ինձ վերայ այդպէս նայում. չլինի՞ թէ մեր տէրը քեզ լրտես է նշանակել:

— Ո՞վ է ձեր տէրը, հարցնում է թագաժառանգը:



—Նա էլ ինձ նման մի մարդ է. զանազանութիւնը միայն նրանումն է, որ նա հաղնւած է շքեղ շորեր, միշտ կուշտ է, նոյն իսկ շատ ուտելուց հաստացել է, իսկ ես քաղցից մեռնում եմ, և մարմինս երկում է ցնցոտիների տակից:

—Մի՞թէ դու այդ մարդու ստրուկն ես, զարմացած հարցնում է թագաժառանգը, չէ՞ որ երկիրը ազատ է:

—Այո, երկիրն ազատ երկիր է, ստրուկներ չկան, բայց մենք բանւորներս պէտք է աշխատենք, որ քաղցից չմեռնենք. և ուժից վեր աշխատելով հարուստների համար, մենք նրանցից այսպիսի չնչին վարձատրութիւն ենք ստանում, որ քաղցից, ցրտից և յոգնածութիւնից մեռնում ենք:

—Մի՞թէ բոլոր բանւորներն այդ դրութեան մէջ են:

—Այո, բոլորը, թէ երիտասարդները և թէ ծերերը, թէ տղամարդիկ, թէ կանայք ու երեխաները: Ոչ ոք մեր մասին հոգ չի տանում. մեր բնակարաններում տիրում է չքաւորութիւնն ու քաղցը, որոնք ստիպում են մեզ ստորանալ և մինչև անգամ գողութիւն ու մարդասպանութիւն անել, ակամայ ոճրագործ դառնալ: Բայց այս ամենը քո ինչին է պէտք. ինչպէս երևում է, դու մեզանից չես, դու հարուստ ես և կուշտ: Բանւորն երեսը դարձրեց և սկսեց իր մաքուկը արագ արագ շարժել:

Երիտասարդ թագաժառանգը տեսաւ, որ նրա գործած կտորը ոսկէ թելերից է և հարցրեց.

—Այդ ինչ կտոր է, որ դու գործում ես:

—Այս կտորը թագաժառանգի ծիրանու համար է. Թագադրութեան հանդիսին նա պէտք է այս ծիրանին ձգէ իր ուսերին:

— Ինչպէ՞ս. սարսափած գոչեց թագաժառանգը և զարթնեց:

Նա գլուխը բարձրացրեց, նայեց շուրջը փառահեղ սենեակի բաց պատուհանից ներս էր նայում փայլուն լուսինը. դիշերը խաղաղ էր նա հանգստացաւ և քնեց: Խոր քնի մէջ նա կրկին երագ տեսաւ:

Տեսաւ, որ ինքը գտնւում է մի մեծ նաւի վերայ: Հարիւրից աւելի ստրուկներ թիավարում են նաւը: Նաւի տէրը գորգի վերայ

նստած՝ հրամաններ էր արձակում իր նեղր ծառաներին: Նեղրերը անազին մտրակները ձեռքերին կանգնած են և վայ այն ստրուկին, որ յոգնածութիւնից մի քայլէ կանգ առնի թիավարելուց, իսկոյն նրա մերկ մէջքին իջնում է մտրակի անխնայ հարւածը: Ստրուկները, որոնց մերկ մարմինը ծածկում է միայն մի փոքրիկ գոգնոց, կապւած են միմեանց հետ երկար երկաթեայ շղթաներով: Միքիչ յետոյ նաւը մօտենում է ափին: Թիավարներից երեքն սկսում են չափել ծովի խորութիւնը:

Բայց այդ միջոցին ափին երևում են մի քանի արարներ և սպառնալից բացականչութիւններ անելով սկսում են նաւի վերայ փոքրիկ, կարճ նիզակներ նետել: Նաւի վերայից սպառախանում է տէրն իր նետ ու աղեղով:

Նեառ խրեց արարների մէկի կուրծքը, նա վայր ընկաւ, միւսները փախան: Նաւատիրները խարխիս ձգեցին:

Տէրը մի ինչ որ բան շնջաց, նեղրերն իսկոյն ստրուկներից մէկի շղթաները բաց արին, ջրածակերն ու ականջները մեղրամոմով փակեցին և մի մեծ ծանր քար մէջքից կապեցին: Այդ միջոցին միւսները պարանից շինած սանդուխքը՝ մի ծայրին ծանր գնդեր կապելով՝ նետեցին ծովը, իսկ միւս ծայրը կապեցին նաւի երկաթէ օղակներից: Տէրը հրամայեց ստրուկին իջնել ծովի յատակը և այնտեղից ամենալաւ մարգարիտները դուրս բերել: Ստրուկը հագիւ հագ իջաւ սանդուխքներից և սուզեց ջրի մէջ: Անցաւ մի երկուրուկէ. ստրուկը դուրս լողաց ջրից, ծանր շունչ քաշելով բունց սանդուխքից և վերև բարձրացաւ: Մշ ձեռքում բռնած ունէր մի հրաշալի մարգարիտ: Տէրն իսկոյն խլեց նրա ձեռքից մարգարիտը և նեղրերը կրկին ծովը նետեցին ստրուկին:

Նա մի քանի անգամ այսպէս սուզում էր ջրի տակ և ամեն անգամ մի քանի գեղեցիկ մարգարիտ էր դուրս բերում ու յանձնում տիրոջը: Վերջին անգամ մարգարիտը տալով՝ նա ձեռքերը վեր բարձրացրեց և նրան վերև քաշեցին: Ուժասպառ ու գունատուած վայր ընկաւ խեղճը տախտակամածի վերայ. նրա քթից ու բերու-



նից արիւն հոսեց և նա մեռաւ... Նեղրները ծովը նետեցին դիակը, իսկ տէրը ուշադրութիւն անգամ չդարձրեց այդ բանի վերայ: Նա ձեռքում բռնած ունէր ամենամեծ և ամենագեղեցիկ մարդարիտը. նա շնչաց. «Սա կը լինի թագաւորի գայիսոնի»\*) ամենալաւ դարձը»: Այս խօսքերը կայծակի նման շանթահարեցին երիտասարդ թագաժառանգին, նա ճչաց և զարթնեց:

Լուսամուտից երևում էր նոր բացւող արշալոյսը. աստղերը կամաց կամաց անհետանում էին. նրա աչքերը նորից փակւեցին. նա քնեց և կրկին երազ տեսաւ:

Եւ ահա թէ ինչ, նա գնում էր հինաւուրց խիտ անտառով. ծառերից կախւած էին հրաշալի պտուղներ. գոյնզգոյն թութակները ծառից ծառ թռչկոտելով խօսում էին միմեանց հետ, իսկ ներքևում սողում էին սոսկալի թունաւոր օձեր. տաք տիղմի մէջ հանգստանում էին ահագին կրիաներ, իսկ կապիկներն ու սիրամարգնները նստած էին հաստ ծառերի ճիւղերին. Երկար ժամանակ գնում էր նա անտառով և վերջապէս հասնում է ծայրին: Այստեղ նրա առաջ բացւում է հետևեալ տեսարանը:

Բազմաթիւ մարդիկ փորում են գետի հունը. նրանցից ոմանք ափերի ժայռերն են տաշում, ոմանք հաւաքում և ընտրում են աւազը: Բոլոր բանւորներն զբաղւած են և առանց հանդստանալու աշխատում են: Ծանճային թունաւոր օղը մէկիկ մէկիկ վայր է գլորում ուժասպառ աշխատաւորներին. նրանց դիակների նեխւած օղը սպանում է միւսներին և այսպէս, կենդանի մարդկանց գլխի վերևը սաւառնում է մահը ու խլում նրանց շարքերից մէկ այս, մէկ այն ընկերին: Բանւորների կէսից շատն արդէն մեռել էին, երբ յանկարծ փչեց ժանտախտը և ոչ մի մարդ չմնաց կենդանի:

Թագաժառանգը հեկեկալով աչքերը ծածկեց:

—Մի լար, այստեղ միշտ այսպէս է լինում, լսեց նա մի ձայն. ձեռքերը յետ տարաւ, աչքերը բացեց, յետ նայեց և տեսաւ մի սևազգեստ մարդու:

\*)Արքայական գաւազան

—Ովքեր են այս մեռելները, ի՞նչ էին որոնում սրանք, հարցրեց թագաժառանգը:

—Նրանց վարձել է մի հարուստ վաճառական, որ երիտասարդ թագաւորի թագի համար թանկագին քարեր գտնեն, պատասխանեց մարդը:

—Ի՞նչ, թագաւորի, գունատւած շնչաց թագաժառանգը:

—Ահա, նայիր այս հայելուն և դու կը ճանաչես նրան:

Երիտասարդը նայեց հայելուն, տեսաւ ինքն իրան և սարսափած ճչաց... ու զարթնեց:

### III

Արևի ճառագայթները ներս էին ընկել. պարափզում ճրլւում էին թռչնիկները:

Թագաժառանգը զանգահարեց. ներս եկան ծառաներն ու նրանց յետևից բոլոր պալատական իշխանները: Ծառաները ներս բերին թագազրութեան հանդիսի համար պատրաստած շքեղ հագուստը, սուկեթել ծիրանին, մարգարիտներով զարդարած գայիսոնը և ականալուռ թագը:

Երիտասարդ թագաւորը հիացած նայում էր այդ հրաշալի զարդարանքներին, բայց յիշելով իր երազն՝ ասաց.

—Ես այդ շորերը չեմ հագնելու, տարէք այստեղից այդ շքեղ զարդերը:

Իշխանները կարծելով թէ կատակ է անում, ծիծաղեցին: Բայց թագաժառանգը խիստ ձայնով ասաց.

—Ես ձեզ հրամայում եմ տանել այդ բոլորը, ես չեմ հագնելու այդ հագուստը. թէև այսօր իմ թագազրութեան օրն է: Ո՛հ, եթէ դուք իմանայիք, թէ այդ ամենն ի՞նչ գնով է ձեռք բերւած: Ահա, այդ ծիրանին հիւսւած է տանջանքի ու սովի ճիրաններով. այդ հրաշալի գայիսոնի և թագի վերայի թանկագին ակներքի ու մարգարիտների կրծքում թագնւած է մահը...

Եւ նա պատմեց իր երազները:



Լսելով նրա պատմութիւնը, իշխանները նայեցին միմեանց և շնչացին — պարզ է, որ թագաւորը խելագարւել է: Մեր ինչ դործն է բանւորների կեանքի մասին մտածելը, մենք փող ենք տալիս, նրանք էլ աշխատում են ..

Պալատի կառավարիչը առաջ եկաւ և ասաց.

— Տէր արքայ, մենք բոլորս խնդրում ենք չմտածել երազների մասին և հագնուել արքայալայել հագուստը. ապա թէ ոչ ժողովուրդը քեզ չի ճանաչի:

— Անկարելի է, որ ժողովուրդն առանց արքայական հագուստների ինձ արքայ չհամարէ, բացականչեց երիտասարդ թագաժառանգը:

— Այո, այո, ժողովուրդը քեզ չի ընդունի, կրկնեցին բոլոր պալատականները:

— Գուցէ դուք ճշմարիտ էք ասում, բայց և այնպէս, ես այդ ծիրանին իմ ուսերին չեմ ձգի, այդ թագը գլխիս չեմ դնի: Ինչ հագուստով որ այս պալատը մտել եմ, այնպէս էլ դուրս կը գամ: Եւ ճիշտ այնքան բոլորին դուրս գալ սենեակից:

Իր մի հաւատարիմ ծառայի օգնութեամբ լողացաւ, հանեց արկղից իր սեփական կոշտ ու կոպիտ կտաւից կարած շապիկը, ոչխարի մորթուց կարած վերաբիւն, հագաւ այդ ամենը և ձեռքն առաւ իր հովւական ցուպը:

Ծառան ժպտալով ասաց. — Տէր իմ, դու ծիրանի և գայիսն ունես, պակասում է միայն թագը:

Թագաժառանգը դուրս եկաւ պատշգամբ, քաղեց մասրենու մի փշոտ ճիւղ, պսակ շինեց և դրեց գլխին:

— Մա կը լինի իմ թագն, ասաց նա կտրուկ:

Այսպէս դարձաւ զնաց նա դահլիճ, ուր սպասում էին իշխանները ու բարձրաստիճան հիւրերը: Տեսնելով նրան, շատերը ծիծաղեցին, ոմանք կանչեցին. — Ժողովուրդը թագաւորի է սպասում, ոչ թէ մուրացկանի. ոմանք էլ բարկացած աղաղակում էին. — Այդպէս թագաւոր մենք չենք ուզում, դա խայտառակում է ամբողջ

պետութիւնը:

Երիտասարդ թագաժառանգը լուռ անցաւ նրանց մօտից, իջաւ փողոց, նստեց ձին և դնաց դէպի տաճարը:

Ժողովուրդը չճանաչելով նրան՝ ծիծաղում էր — տես, տես ասում էին մէկ մէկու, մեր թագաւորի ծագրածուն գալիս է:

Թագաժառանգը կանգ առաւ և ասաց:

— Ոչ, սխալում էք, ես ինքս ձեր թագաւորն եմ, լսեցէք ինձ, ես բան ունիմ ձեզ յայտնելու: Եւ նա պատմեց իր երազները:

#### IV.

Ամբոյնի միջից մի ձերունի առաջ եկաւ և ախուր ձայնով ասաց.

— Տէր արքայ, դու անկարող ես փոխել ներկայ օրէնքները: Ծիշտ է, բանւորների համար մահաւան չափ ծանր է անկուշտ ու խոտասիրտ դրամատէրերի մօտ աշխատելը: Բայց ներկայ կարգերը այնպէս են, որ եթէ այդ նոյն դրամատէրերի շատը պահանջները չլինեն, մենք չունենոր աշխատաւորներս գործ չենք ունենալ և քաղցից կը մեռնենք: Ինչ անգոր ես հրամայել նրանց փոխել իրենց վերաբերմունքը: Ոչ, ոչ, մեր տանջանքների պատճառները շատ խոր են և շնա հեռու քեզանից. վերադարձի՛ր պալատ և հազիր շքեղ հագուստդ:

— Բայց չէ որ բոլոր մարդիկ եղբայրներ են:

— Այո, ասաց ձերունին, բայց հարուստներն ու աղքատները շատ ամբարբիշտ եղբայրներ են:

Երիտասարդ թագաւորի աչքերը լցւեցին արտասուներով, բայց նա չվերադարձաւ, այլ շարունակեց ճանապարհը:

Մօտենալով տանարին, ձիուց իջաւ և ուզում էր ներս մտնել, բայց զինւորները արգելեցին:

— Այս դնով միայն թագաւորը կարող է մտնել:

— Ես եմ թագաւորը, բարկացած դռուց նա զինւորների վերայ և ներս մտաւ:

Եպիսկոպոսը դիմաւորեց նրան և ասաց. — Ես չեմ կարող քեզ



օձել. դու հովիւ չես, այլ թագաւոր:

— Բայց միթէ՞ թագաւորը պարտաւոր է հագնել այն շորերը, որոնք ձեռք են բերւած մարդկանց կեանքի գնով:

— Որդեակ իմ, ասաց եպիսկոպոսը, աշխարհիս օրէնքն այդպէս է, ուժեղը ճնշում է թոյլին, ունեւորը — չունեւորին...

— Ինչպէ՞ս... և դու այդ խօսքերն ասում ես այստեղ տաճարում, ուր սաւառնում է Քրիստոսի ոգին, որն ուսուցանում էր սիրել միմեանց ինչպէս եղբայրներ, այն ասելով, նա թողեց եպիսկոպոսին և բարձրացաւ սեղանի Սյո լիջոցին ներս խուժեցին իշխաններն ու սրերը բարձրացրած գոռացան:

— Ո՛ւր է նա. ո՛ւր է երազատեսը, ո՛ւր է մուրացկան թագաւորը. մենք նրան ցոյց կը տանք... նա իրաւունք չունի թագաւորելու...

Երիտասարդ թագաւորն երեսը դարձրեց դէպի նրանց և տխուր նայեց ժողովուրդին, որ իշխանների օրինակից վարակւելով ներս էր թափւել: Տաճարի լուսամուտների գունաւոր ապակիներից արևի ճառագայթներն ընկնելով նրա վրայ՝ այնպէս հրաշագեղ փայլ էին տւել նրան, որ նրա հասարակ բրդեայ հաղբւտը փոխւել էր սուկեթել ծիրանու, նրա հովւական ցուպը՝ արքայական գայիտոնի, իսկ փշեայ պսակն՝ ականակուռ թագի:

Ժողովուրդը ոգևորւած ծունկ չօքեց նրա առաջ. պալատականներն ու իշխաններն ամօթահարւած յետ քաշւեցին ու խոնարհ զբլուխ տւին: Եպիսկոպոսն մօտ եկաւ և բարձրաձայն ասաց.

— Ինքն Մարգասէր Քրիստոս օձեց քեզ:

Եւ երիտասարդ թագաւորն իջաւ սեղանից, նրա երեսը փայլում էր սիրոյ յաղթանակով: Ժողովուրդը տեղի տւեց՝ և նա վերադարձաւ պալատ:



## 10. Հեզիկ կարկաչով

Հեզիկ կարկաչով վազում են ալիք,  
Փարում, փայփայում ափերը կանաչ.  
Ջրերի վրայ կախւած ուռենիք  
Նոցա հետ խօսում են լալահառաչ:

«Մի վազէք, ալիք, կացէք կոհակներ,  
Մի թողնէք չքնաղ այս վայրն հանգստեան  
Եւ վայելեցէք քաղցրութեան ժամեր,  
Մինչ ժպտում է ձեզ շողն արեգական:

«Մի, դուք չէք տեսնում, կ'անցնէք այս բլուր—  
Եւ կը պղտորի ձեր շուրը վճիտ.  
Ս, յնտեղ այլ երկիր, այլ ափեր տինւր,  
Ս, յնտեղ կը գրկէ ձեզ արեան հովիտ:

«Ս, յնտեղ հողն արիւն, արիւն են սարեր,  
Ջինջ ազբիւրներն էլ կտրել են արիւն.  
Վտակը քերում արիւնոտ քարեր,  
Թառամեցնում է ծաղկազարդ գարուն:

«Դողում է երկինք սրի շաշիւնից,  
Ո՛հ, մի հեռանայ, սիրուն գետ, մեզնից,  
Մի վազէք, ալիք, կացէք կոհակներ»:

Բայց մոռալեցաւ երեսը զեփն.  
«Իմ քոյր, եղբայրն են այն ակն ու վտակ»  
Գոչեց, զարկւեցաւ սարսաժ ափերին  
Ու յառաջ անցաւ լինակ առ կոհակ:



I.

Չորում, բազմերանգ ծաղիկների, անուշահոտ խոտերի մէջ, երևում էր մի նեղլիկ տնակ. Արրահամենց Ղրաղացն էր այդ, սովորական անշուք Ղրաղացներից մէկը, որ հարուն, ամառ և աշուն աղում, հա աղում էր: Այսպէս շատ երկար տարիներ...

Մի առաւօտ արեւը նոր էր իր օսկեգոյն ճառագայթները տարածել երկրի վրայ, երբ Ղաղացի բակը մտաւ ասանչորս տարեկան Գաղիկը. նա ցորենով լիքը մի պարկ ուսին դրած բերել էր աղալու: Քրտինքը կաթիլ-կաթիլ ծորում էր նրա ճակատից: Նա շատ արագ էր եկել, քոյր Նուշիկն այսպէս էր պատկերել. կարիքը մեծ էր, բերը ծանր, Ղրաղացն էլ հեռու: Գաղիկն առանց ժամանակ կորցնելու ներս մտաւ Ղրաղաց, պարկը մի ապահով տեղ դրեց ու Ղաղացպանի ահանջին մի ինչ որ բան փոփոսաց: Ղաղացպանը զլխով համաձայնութիւն տւեց, որ շուտով հերթ տայ: Ղաղացաւորների ուշքը լինց Գաղիկը: Նրա մերկ ոտները, ցնցոտիները, խոր ընկած աչքերն ու գունատւած դէմքը՝ նրանց սիրտը ճմլեց: Ղաղացպանը փոքրիկ տաշաի մէջ խմոր էր անում, նախաճաշի պատրաստութիւն էր տեսնում:

— Գաղիկ, մատաղ, ասաց Ղաղացպանը, բաղարջի փայտը քիչ է, գնն էս մօտիկ տեղից մի կապոց փայտ բեր: Նա խօսքը դեռ չէր աւարտել, որ Գաղիկը գուրս թաւ և շատ կարճ միջոցում շալակով փայտ բերեց:

II.

Բաղարջները թխւեցին, թաժայ հացի անուշ հոտը բռնեց Ղրաղացը. Գաղիկի ախորժակը խիստ դրդուեց, այդ օրը նա ոչինչ չէր կերել: Քիչ յետոյ Ղաղացպանը և Ղաղացա-

ւորները շուրջանակի բազմեցին սփռոցի առաջ, սկսեց նախաճաշը: Գաղիկը մի մեծ կտոր բաղարջ ստացաւ ու շտապ գուրս եկաւ Ղրաղացից: Նա բաղարջի կտորը ծոցը դրած, աջ ձեռքն էլ վրան սեղմած թռչկոտելով վագեց դէպի գիւղ:

Նախաճաշը վերջացաւ. Գաղիկի ազունը պատրաստ էր: Բայց ինքը չկար: Ղաղացպանը մի քանի անգամ կանչեց, մի քանի անգամ ներս ու գուրս լաւ նայեց, բայց Գաղիկը չկար ու չկար. այս բանը նրան և Ղաղացաւորներին անհանգստացրեց: Քիչ յետոյ Գաղիկը ուրախ ուրախ ներս մտաւ, ամենքը հանգստացան:

— Գաղիկ, ուր էիր, ինչու առանց յայտնելու գնացիր, հարցրեց Ղաղացպանը: Գաղիկը մօտեցաւ նրան ու ահանջին հագիւ լսելի ձայնով յայտնեց, որ գիւղից էր գալիս և իր բաժին բաղարջի կտորը հասցրելէ սոված Նուշիկին ու հիւանդ մօրը:



Գաղտնիքը բացւեց, Ղաղացպանն երկու սրտագին համբոյր դրոշմեց Գաղիկի ճակատին, ապա մի մեծ կտոր բաղարջ տւեց ու ասաց.

— Կեր, մատաղ, կեր, անուշ լինի քեզ: Ամենքը գովեցին փոքրիկ տղային, իսկ Գաղիկի ուրախութիւնը կրկնապատկւեց: Նա պարկն առաւ, մի քանի անգամ շնորհակալութիւն յայտնեց ու թռչելով գնաց:





### 13. Ինչ էին արգում լարելը...



Դիտեցէ իւրաքանչիւր պատկեր. ի՞նչ են անում մանուկները, ձեր գիտածը պատմեցէք, դրէք յարմարաւոր վերնագիր, ապա գրեցէք:

Սարի լանջին, անտառով շրջապատուած հինաւուրց մի աւերակի մէջ բնակում էր մի մարդ: Նա աշխարհիս ամենաբարի մարդն էր: Լոյսը բացւում էր թէ չէ՛նա վերցնում էր իր միակ բնիկը ջուլթակն ու իջնում սարից: Իջնում էր ու ամբողջ օրը թափառում գիւղից գիւղ, քաղաքից քաղաք: Յմեն տեղ նա մխիթարում էր վշտացածներին, բժշկում էր հիւանդներին և նւագում էր ամենքի համար: Նա նւագում էր մեծ հրապարակներում բազմաթիւ մարդկանց առջև և երբ մարդիկ լսում էին նրա մեղմանոյշ նւագածութիւնը, ամենքը սիրոյ ու եղբայրութեան մասին էին խօսում: Եւ աշխարհիս ամենաբարի մարդն ամեն երեկոյ ինքնագոհ վերադառնում էր իր բնակարանը:

Մի անգամ ուշ գիշերով նա վերադառնում էր մօտակայ գիւղից: Գիշերը մռայլ էր ու խաւար, անտառում ցուրտ էր ու քամի: Նա ոչնչից չէր վախենում: Նա իր սիրելի ջուլթակը սեղմել էր կոնատակին և առաջ էր գնում խիտ ծառերի շարքերով: Քամին խաղում էր նրա գլխի ճերմակ ալիքների և երկայն միրուքի հետ: Յանկարծ հեռից լսեցին գայլերի սարսափելի ունոցները: Ծերունին հասկացաւ ամեն բան, սակայն նա չսարսեց: Առաւ կոնատակից ջուլթակն ու նստեց մի կոճղի վրայ: Շուտով խաւարի միջից կայծերի պէս պսպղացին գայլերի աչքերը. և մի փոքր սնց նրանց ահազին վտնակը շրջապատեց մարդուն: Մի ըտպէ ևս և ահա գայլերը կը բզկտեն ծերուկի մարմինը, կը խլխլեն իրար ճանկերից, բայց յանկարծ հնչեց մի եղբմական մեղեգի և գաղանները յեա-յեա դնացին, ստոստեցին



ծերունու շուրջը և գլուխները դրին առջևի թաթևերի վրայ  
ու կրակոտ աչքերը յառեցին նւագողին: Քամին տարածում  
էր սքանչելի ձայները ծածան-ծածան դէպի հեռուները...  
Ի՞նչ էին երգում ծերուկի ջութակի լարերն, հիվ էր խօսում  
այնքան հզօր ու ազդու նրանց բեկբեկուն ելևէջներով, որ  
ոչ միայն սաստում էր մարդկանց, այլ և գիշատիչ գազան-  
ներին...

#### 14. Հրածեշտը

Մնաս բարով, իմ հայրենիք,  
Իմ մանկութեան սուրբ որրան,  
Քեզ պաշտել եմ ես վառ սրտով  
Ու կը պաշտեմ յաւիտեան:

Թէև բախտը խլում է ինձ  
Նւիրական քո զրկից,  
Բայց նա երբէք ջնջելու չէ  
Սուրբ անունդ իմ սրտից:

Ուր էլ լինեմ, ուր էլ Պամ,  
Թէկուզ և կիրթ ազգի մէջ,  
Սիրել եմ քեզ, և այդ սէրը  
Կ'ապրի անխախտ ու անշէջ:

Մնաս բարով, իմ հայրենիք,  
Ինձ կեանք, արև պարզևող,  
Մնաս բարով, վերջին անգամ  
Համբուրում եմ քո սուրբ հող...